

# In nov cudesch rumantsch cun raquints criminals

**(cp) La Chasa Editura Rumantscha preschenta ses cudesch nov: Nuot Nes, raquints criminals dad Attilio Bivetti.**

Sut il titel Nuot Nes – ch'è en il medem mument il num dal protagonist – vegnan preschentadas istorbias curtas; Nuot Nes e ses assistent Marco Mangiù èn comisaris da pulizia en l'Engiadina'Auta ed en la Val Bergaglia.

Il lectur dastga accompagnar els tar la sclerizium da plirs cass misterius e schizunt tar mordaretschs! En quest cudesch vegnan descrittas istorbias da la vita ch'èn entras las figuras principalas immediatamain simpaticas al lectur. L'autur noda anectotas ed observaziuns, ch'el descriva cun ina buna prisa umor.

Il veterinari pensiunà *Attilio Bivetti* ha lavurà 30 onns sco veterinari en l'Engiadina'Ota ed en Bergaglia, dasperas è el stà plirs onns president communal a Segl, el viva dapi sia pensiun a Segl, Fex e Castasegna. Che Bivetti è ina persuna cun egl avert ed attent per ses conturn as senta immediatamain en sias istorbias; il vitg, il bain puril, la stiva – l'autur enonuscha l'odur d'ui e clavà! Betg mo ils lieus dals raquints, era la mentalità dals Engiadinais e Bregagliots, sco era la tenuta dals hosps da vacanzas: Bivetti s'interessescha per l'uman e la vita.

## In cudesch per tuts

La Chasa Editura Rumantscha ha grond plaschair da publitgar quest cudesch. Nuot Nes è in cudesch che divertescha a moda frestga, cun ina lingua clera ed è era adattà per la lectura dal stgalim superiuur.

Ils raquints intuorn Nuot Nes resplendan realitads e fantasias da las vals grischunas in profunda transformaziun; in lur originalità e lur umor as referi-

schan els als gronds models da la litteratura criminala.

## Preschentaziun dal cudesch

Il cudesch 'Nuot Nes' vegn preschentà mardi, ils 5 d'avust 2014, allas 20.00 en Biblioteca Engiadinaisa a Segl. Moderaziun: *Annetta Ganzoni*. Prelecziun: Attilio Bivetti. Entrada libra. Silsuenter datti in pign aperitiv.

**Ulteriuras prelecziuns: Mardi, 30 da settember, Casa de Mont a Laax, ensemen cun Leo Tuor Sonda, 25 d'october 2014, Chesin Manella Schlarigna, Dumengia, 9 da november 2014, Dis da Litteratura a Domat**